

說文解字注匡謬

說文解字注匡謬

元和 徐承慶 謝山

四曰以它書亂本書

據它書異義改說文之解又黃公紹所增易概指為小徐原本主韻會而不信說文

祇作盛之以廢 注引五經異義

按說文主釋字義語氣不同故無之字不必以書出一手據增
三 改於文一耦二為三成數也 注云此依韻會所引韻會多

據錯本今錯本非其舊矣

按韻會多本小徐然所引時有增省或雜以己說謂皆原文而
今本盡非其舊信黃公紹太過矣古人文字簡而有法二下云
从耦一此云从三數自一積畫至三也十字乃云數之具此言
成數非許語

皇 从自下增王字始生上增作字 注云依韻會補鉉本無作

字誤錯本有新刻刪之

按韻譜無作字

珩 作从王行所以節行止也 注云依韻會所引訂

按說文从王行聲在行止也下韻會易之非是許書九千三百五十三文形聲相從者十九此珩取行聲不當刪聲字

瑑 改从王彖聲 注云依韻會所引錯本今錯本亦作彖省聲又淺人改之也

按徐鍇曰瑑謂起為 若篆文之形則錯作彖省聲非淺人所改古之詁訓音與義多相應

珣 珣瑑瑒三篆解禮字下皆增記曰二字 注云依韻會所引補按此黃公紹以己意增

屯 難也下增屯字 注云韻會有

按韻會有此字贅

稿 莧與上增稿車二字 注云各本無今依韻會所引補爾雅

本或無車字不得以之改說文也

按稿車字乃韻會增非原文也段氏改刻字鵠字岸字解依爾雅此則謂不得以爾雅改說文未知其區別之旨

茅 聲下增可縮酒為藉 注云依韻會所引補

按从艸茅聲下著此五字尋其文義是黃公紹語非說文

蘭 莞屬下增可為席三字 注云依韻會所引補

按莞似蘭而圓蘭似莞而細皆可為席增此三字於義無乖然許書簡要莞下云可以作席蘭下云莞屬不待再言此韻會所增非原本也凡段氏據韻會改類此者皆非

苓 作卷耳艸 注云各本作也今依韻會所引

按作艸字非

鷦 作綬艸也 注云艸字依韻會補

薊 作一曰騅 注云騅各本作騅今依爾雅

按詩王風傳美騅也不必依爾雅改

頰 作似莎而大者 注云而大二字依韻會所引補

茁 改艸初生地兒从艸出 注云依韻會所引

按繫傳生下無出字韻會依錯本也从艸出下刪聲字則韻會所改

凡 作艸盛兒 注云兒字依韻會

按字義不待用兒字始明韻會改之非是

茂 改艸木盛兒 注云依韻會訂

按木之盛亦曰茂而許解言艸豐盛就艸部字釋其義不必兼

言木也所改非

陰 作从艸陰 注云依韻會無聲字

按形聲兼會意之字多矣不當刪聲字

薪 刪書曰艸木薪包六字 注云今本誤以錯語入正文今依

韻會訂

麓 改艸木生著土 注云此依韻會引

按此韻會意改

菽 改耘田器 注云依韻會論語疏作芸田器

按玉篇菽艸器名廣韻云艸田器以後字書皆本說文為訓段氏不信本書惟以韻會為準多所改易大率類此

芑 已聲下增詩曰維繁維芑 注云今本無此六字依韻會所

引補

按說文篆𦰩二字下俱未引詩此韻會所增

著改从日艸屯屯亦聲 注云此七字依韻會今二徐本皆亂以錯語

按錯曰春陽也故从日屯艸生之難也故云亦聲說文从艸从日艸春時生也屯聲並未亂以錯語六書故引說文無艸春時生也五字黃公紹因之而段氏從之耳惟錯稱故云亦聲當作屯亦聲

余改从一八象氣之分散入聲 注云今本無入聲二字上文作从入一八此依韻會所引小徐本訂正入聲在七部而余在十五十六部間者於雙聲求之也

按解云象氣之分散徐錯曰指事則小徐本不作入聲段氏以韻會為臬主而曲為之說

介 改从人从八刪人各有介四字 注云依韻會所引

按段注畫篆引此人各有介蓋忘其依韻會刪改益見刪改之非

犍 作畜犍畜牲也 注云依廣韻手鑑訂

按廣韻不引說文龍龕手鑑不足據

牲 牛純色下增禮祭祀牲 注云依韻會補

按此五字乃韻會以己意增

羴 作徼外牛 注云各本有南字今依韻會

噉 改口也 注云俗本誤吼今正史漢貨殖傳皆云馬蹄噉千

徐廣曰噉馬八膠也小顏云噉口也蹄與口共千則為馬二百

也按以口釋噉此必本說文說文以口建首下噉噉噉字皆

與口字轉注相接通俗文埤蒼皆曰尻骨謂之八膠惟史記噉

字从口故徐以八髀釋之尻亦得謂之口也史記作蹠乃誤字
耳俗本說文作吼者蓋或識孔字於口字旁因誤并為一字
按貨殖傳注噉口也謂必本說文亦是意斷師古為馬蹄噉作
注以口釋噉蹄噉並言惟其義之所當而已云即噉之本義當
不其然惠棟曰當作咍孫星衍曰玉篇引此亦作吼說文無吼
字當為咍其說近是識孔字於口旁誤并為一此曲說也叨訓
口邊非與口字轉注

𠵹

改从口亘聲

注云此依韻會

君

改从尹口口以發號

注云此依韻會又補一口字

按以韻會為說文曷不明告人曰小學必以黃公紹為宗何煩
又為說文作注

嗜

改喜欲之也

注云此依韻會本

按解義原文真古言也所改乃後人文義

嘯 改訶聲嘯喻

按此本玉篇作訶而注不言

走 作夭者屈也 注云依韻會訂

按趨則足屈故从夭止有止字者原文韻會以夭訓屈故刪止字非也

連 从走車下增會意二字 注云依韻會訂

按此以錯語入正文

遼 作高平曰遼 注云此依韻會各本作高平之野非也

按周禮大司徒注分別墳衍原隰故曰高平曰原說文專訓遼字故曰高平之野辭各有當段氏援鄭注以證韻會非也

衛 作行列也 注云依韻會訂

齧 作齧堅聲 注云齧各本作齒今依玉篇訂

齧 作齧堅也 注云玉篇齧堅兒廣韻齧聲各本齧作齒恐誤

按疑本書有誤當仍舊文而注他書之異

牙 改壯齒也 注云壯各本作牡今本篇韻皆誤惟石刻九經

字樣不誤

按許言牡齒必有所本字書皆從之張參作壯齒此孤證不當
遽改舊文

𪔐 戶下增青字 注云依篇韻補

按玉篇不傳說文廣韻𪔐青疏字體既殊其文亦異不當據改

冊 王下增者字 注云依韻會補

舌 作在口所以言別味者也 注云言下各本有也刺字者依

韻會補

按所以言與別味兩義各本有也非剩字者字不必增

鈞 作曲鈞也 注云鈞字依韻會補

按增鈞字非

詞 作共也从言同聲周書曰在后之詞一曰讞也 注云依韻

會用錯本

按錯作共也周書曰在后之詞一曰讞从言同聲此韻會以己意更易

諄 作許也 注云依韻會訂

警 改不省人言也 注云省各本作肖今正言字依韻會補詩

板聽我翼翼傳曰翼翼猶警警也箋云女聽我言警警然不肯受廣韻六豪警不省人也奪言字五有曰警不肖也依誤本說文而又少二字

按廣韻五有警不肖也五交切六豪不省語也五勞切是警有
兩音兩義楚辭九思令尹兮警警王逸注不耻話言而妄語不
聽話言所謂不省語也妄語謂其自言徐鍇曰不肖人其言煩
苛其所據說文作不肖人非誤省為肖詩耻我鬻鬻傳鬻鬻猶
警警箋云女耻我言而反警警然不肯受傳箋就詩聽言釋之
謂傲不肯受故廣韻云不省語韻會易語為言非廣韻奪言字
又詩正月執我仇仇傳曰仇仇猶警警也爾雅釋訓仇仇教教
傲也郭璞曰謂傲慢賢者不肖人之義足以該之

訇

改駭言聲

注云駭各本作駭依韻會訂

按韻會意改未可據

警

一曰下增言字

注云言字各本無依玉篇補

按上文云失气言則下文不止自指言說古人文字簡質不必

盾 蔽目下增从目象形下刪厂聲 注云从目二字依元應補
錯曰斤象盾形按今錯本或妄增厂聲二字

按眾經音義卷三云說文戲也所以扞身蔽目無从目字卷十
七云盾所以扞身蔽目也以木自蔽从目象形盾聲蓋卷三節
引說文卷十七之文元應禱以己語盾聲乃厂聲之誤徐鉉本
無厂聲字

百 作數十十為一百百白也十百為一貫貫章也 注云各本
脫八字下貫誤相依韻會補正

按此黃公紹所竄改

百 改讀若逼 注云逼各本作祕五經文字百音逼廣韻彼側
切至韻不收李仁甫五音韻譜目錄云讀若逼彼力切皆由舊
也

按許言讀若者古讀如是不必皆與今音同即如擊讀若賢廣韻去演切先韻不收此類甚多不可勝舉凡梁隋以後韻書皆不可以律說文卻正釋義無遠不至無幽不悉挺身取命幹茲與祕祕與悉韻張參李仁甫不求古讀改入職韻

隹

二上增持字

注云依韻會訂

隹

作忌欺也

注云各本作鷗鷗今考爾雅音義當作忌欺釋

鳥曰鷗鷗元應引作忌欺

按釋文云鷗本亦作忌欺本亦作欺今本作鷗陸氏不以鷗鷗為非也元應引即所僞別本

雁

改从隹从人瘖省聲

注云此七字依韻會訂

按原文云或从人其說未詳韻會改之取其易曉然未免專輒

隹

堆堆下增然字

注云依韻會補

按此等字皆韻會以意增入不可據

雥 改鳥肥也 注云各本作肥肉也今依廣韻廣韻不云說文

然必說文善本也不言鳥則字何以从佳

按肥度之詞未足為據从佳必言鳥失之固滯正惟字从佳故不待言鳥而義可知

𦍋 改夷作𦍋 注云各本作夷小徐釋以殷紂時夷羊非也今依急就篇顏注正

按錯說是作𦍋羊之𦍋非

𦍋 相下增𦍋 注云各本誤今依篇韻補正

𦍋 改𦍋為積 注云依玉篇

𦍋 作𦍋𦍋𦍋也 注云𦍋𦍋二字依爾雅補

按說文爾雅各自成書不可用彼改此

𦰩 作推糞 注云糞各本作棄今依篇韻正

按玉篇及廣韻二十六桓俱云棄糞器非引說文廣韻五質云棄糞器說文方干切箕屬則上語非說文矣方言𦰩棄也楚凡揮棄物謂之𦰩則作推棄不誤

畢 田网也下增从田二字 注云各本無依韻會補

按詳審其文有从田字非許意

𦰩 改也為兒 注云從廣韻

按作兒非

𦰩 落下增也字 注云依韻會補

按文義不當有也字

𦰩 改持為𦰩 注云宋本李燾本集韻六術類篇皆作𦰩𦰩又𦰩之誤今依集韻十三末作𦰩今俗用五指持物引取之曰𦰩

按五指持也正訓乎字廣韻亦云持取持字為長

腓

改婦孕始兆也 注云依廣韻訂

按說文婦始孕為句申之曰腓兆也廣韻云孕始兆也非引說文此又增一字以改本書

胲

毛下增肉字 注云依篇韻補

按篇韻不云說文莊子音義云胲足大指也不必增肉字韻會引說文有之

利

改刀和然後利从刀和省 注云依韻會本

按原文从刀和然後利从和省文義何等順序必依韻會易之所謂是末師而非往古

冊

則下古文刻下增剛云古文刻 注云各本無此依玉篇增各

本則下有古文作冊篇韻皆不載汗簡載之云說文續添則古

本所無可知矣蓋古文刻之譌而誤系也

按許氏重文玉篇不必皆載郭云說文續添果何人所作未足據也段謂古文刻之譌而誤系說文則與刻相去十餘字玉篇則刻連文安知非刪譌刪而又誤倒其文歟毅然增刪非也

刷 改禮有刷巾 注云有譌布黃公紹所據錯本不誤而宋張次立依鉉改為布今繫傳本乃張次立所更定往往改之同鉉而佳處時存韻會也

按集韻類篇皆云說文引禮布刷巾

耕 改从来井古者井田故从井 注云會意包形聲十字依韻會所據錯本

按此形聲相從之字韻會以意改之非錯本原文

衡 刪其角二字 注云各本大木下有其角字今依韻會所據

錯本許於告字下云牛觸角者橫木所以告也是設於角者謂之告此云牛觸橫大木是闌閑之謂之衡衡與告異義大木斷不可施於角此易明者魯頌傳曰輻衡設牛角以輻之也箋云輻衡其牛角為其觸觝人也許說與毛鄭不同毛鄭謂設於角許不云設於角也

按此韻會刪其角字而段氏以為錯所本無也古衡橫字通說文告下曰牛觸角者橫木此衡下曰牛觸橫大木可見許書立義全部無不貫通乃別生一解曰設於角謂之告橫大木是闌之此大木字豈如為巨室者棟梁之屬而謂斷不可設於角也許同毛鄭刪其角二字而云許不云設於角誣妄甚矣

觝

改牝羊角者也

注云各本作牝羊生角者也今依韻會

正

按牂字注引𪚩下云牂羊生角者也此又依韻會刪改則中無確見

笙 刪聲字 注云舉會意包形聲韻會無聲字為長

按作生聲為是物生故謂之笙釋从生之義不得即以為會意包形聲也書中類此者多段氏改之皆非如下文管字物開地芽故謂之管从竹官聲與笙解體例正同

箕 改丌其下也 注云四字依韻會本今各本丌下互譌

按此作下其丌也丌部奠下云丌其下也文各有當非互譌

奠 刪者字 注云韻會無

按集韻類篇皆作禮有奠祭不獨韻會無者字蓋以為贅也二徐俱不刪欲存其舊耳

巫 作巫祝也 注云依韻會本

按增巫字非

獸

作飽也足也

注云足也二字依韻會增

按說文本無而韻會增之豈可以韻會改說文乎

甚

作从甘匹匹耦也

注云各本誤依韻會正

按徐鍇曰禮曰子甚宜其妻會意正釋甘匹耦也之語非誤字
替作獄兩替也从棘在廷東也从曰治事者也 注云依韻會

本

按獄之兩替也段以己意刪之字說文在廷東从棘治事者从
曰韻會倒之文義遂有古今之別

采

改采

注云此等篆皆轉寫譌亂玉篇中畫不斷小篆疑古

文省也今从玉篇

按中畫本斷平陸戈可證

齠 作齠齠鼓聲也 注云各本無齠齠字今依韻會

按下引詩語此不當增齠齠字

虎 从虍下改从儿虎足象人足也 注云已上八字鉉本妄改張次立復以鉉本改錯本惟韻會如是此古本之真也从儿韻會作从人此其誤已久耳

按韻會用小徐本時有省改今繫傳與韻會不合者非云後人增改即云張次立改同鉉本專用己私是非無正段氏之蔽也
虍 虎鳴也下接从虎九聲 注云四字依韻會本在此

按韻會移从虎九聲於上者以一曰師子又一義也然下虍象亦有一曰蠅虎並不移改

齠 改泰稷器所以祀者 注云各本作泰稷在器以祀者與盛義不別今從韻會本

按鉦本盛盞兩篆解同錯本盛下云黍稷在器中也盞下云黍稷在器以祀者與毛鄭古今韻會與小徐異非張次立以鉦本改之也何以必從韻會

改闕篆作闕 注云依古文四聲韻

按許所采錄古文豈可易以它書所載

饅 改程作饅 注云依韻會从食各本作程蓋因許書無饅改之耳

按改從許書所無之字恐未必是

餉 改饋也 注云饋各本作饅今依韻會本

按饅下云周人謂餉曰饅則此云饅也非譌字饋餉互訓雖於義無乖不當舍本書而依韻會

內 作从門入 注云各本無入字今依韻會補

鉤 改作瓦器也 注云作字各本無今依玉篇補

按大雅陶復陶穴箋云復穴皆如陶然正義引說文陶瓦器窰也所引必窰字解而繹箋語則說文不當有作字呂覽昆吾作陶高誘云昆吾為夏伯制作陶冶埏埴為器禮記器用陶匏陶即陶原本無作字是也

市 改从川从乙象物相及也乙古文及字出省聲 注云依韻會本

按錯本作从川了象物相及也之省聲了古文及也與韻會不同 古文及段作乙是

改及篆作𠂔 注云依廣韻作𠂔與小徐注合此闕謂形上體作无不知其說也

按繫傳作𠂔與鉉本同錯謂闕為不知𠂔之義也與廣韻不合

韋 東下增物字 注云依韻會補

按許氏古言為韻會所改

藥 作軍法入藥曰藥 注云各本奪入藥二字則不可通今依韻會補

按書序周人來黎左傳來晉軍不加入藥二字非不可通

拊 作拊欄梭也 注云各本奪梭字今依韻會本補

按原本不誤不必增字以別下文梭字之解

楓 作一名彙彙 注云各本少一彙字今依韻會補

按彙木葉搖白也彙彙雖本爾雅然說文單作彙似非脫字

枵 作歲在元枵枵虛也 注云依韻會本訂

按韻會非是

刈 改高木下曲也 注云此韻會所據小徐本也今二徐本皆

分樛枊為二篆樛訓下曲枊訓高木乃張次立以鉅改錯而然錯云詩作樛爾雅作枊依詩為正錯意許書作枊未是也樛即枊也一字而形聲不同許則從丫聲者容許當日毛詩亦作枊也玉篇分引詩爾雅而云二同甚為明哲

按許君詩從毛氏故釋樛與毛同錯云爾雅作枊依詩為正謂許與毛同不依爾雅非以許作枊為未是也釋文韓詩本作枊說文以枊為木高何云許當日毛詩容亦作枊樛下徐錯曰詩南有樛木傳曰木下曲也爾雅作枊今松柏及桑臨崖岸者性多熱枊下云爾雅木下句曰枊上句曰喬詩樛木則作樛字按此則爾雅借枊為樛依詩為正則說文有二篆甚明謂張次立以鉅改錯豈張次立并偽造此二條乎廣韻二十幽樛居蚪切引說文曰下句曰樛詩曰南有樛木傳曰木下曲也枊下引說

文云高大也大乃木之譌又十八尤亦收木字居由切云高木是廣韻據許有二篆爾雅又云木者聊郭璞云未詳下句曰木乃據韓詩作木耳玉篇樛下次木云同上以為一字而仍分引毛詩爾雅詩正義云下曲曰樛者釋木文則混而一之今刪樛存木併高木下曲二訓為一以經典相承之字毅然刪去非也增構篆 注云各本篆作構解云壁柱从木尊聲而無構篆今尋文義當有構構二篆構與樛樅為類構則蒙上文格構樅也言之淺人誤合為一又構注云此與構樅之構各字篇韻皆兩存不混

按說文薄樅字只作構篇韻字滋多不可以證說文有構篆

樣 秦上增樣也二字 注云依韻會補

按體會文義不必增樣也字

只作樛當作構字傳誤蓋樛下
二徐皆作木薄者解則樛即樛字
可知樛不當作樛也

柵 改樹為豎 注云依篇韻正

櫺 作茲箕 注云各本作鎡鎡今依爾雅正

檄 改尺二書 注云各本作二尺書小徐繫傳已佚見韻會者
作尺二書蓋古本也

按玉篇廣韻集韻類篇皆引說文二尺書也

桺 作所以臧虎兇也 注云所也二字依廣韻補

按廣韻云出說文謂古作𣎵桺字出說文不必原本有所也二
字

改巢篆作巢 注云五經文字曰從鳥在木上隸省作巢然則說
文作巢甚明今各本云从鳥頭在木上而改篆作巢非也

按巢磔故云鳥頭在木上說文作巢甚明鳥在木上其義不顯
段併改邑部鄠作鄠亦非

鬱 作木叢者 注云依韻會本

按刪生字非

贏 改賈有餘利也 注云依韻會本訂

按原文古奧韻會改之非也

圓 作賔 注云鉉本無首畫玉篇集韻類篇皆有

按錯本亦無首畫

贊 放下增謂字 注云依韻會補

按教者猶放貝當復取之釋教貝之意不當增謂字

賕 作一曰載質也 注云載各本作戴今依韻會正謂載質而

往求人僦資也

旻 作虞書說 注云說各本作曰今依韻會訂

按許書所引如相下引易地可觀者莫觀於木速下引虞書怨

匹曰述此引仁覆閣下謂之是天皆漢儒傳授經說非經正文而傳易曰書曰全書體例如是韻會改之非也

眈改見 注云篇韻皆云是正眈同今正

昱 改日明也 注云各本作明日今依玉篇衆經音義訂

按昱即尚書翌日乃瘳之翌說文作明日為是

暎 刪火離也三字 注云依韻會所據小徐本訂

按小徐本有此三字而韻會去之

能定其否否否否否否否否否否

旗 作錯革鳥其上 注云鳥上畫字妄人所增韻會所據小徐

本無此字今刪許仍爾雅原文其上者謂畫於正幅高處

按爾雅錯革鳥曰旗孫炎云錯置也革急也言畫急疾之鳥於

旒周官所謂鳥隼為旗者矣詩六月云織文鳥章毛傳鳥章錯

革鳥為章也箋云鳥章鳥隼之文章正義引鄭志答張逸云畫

急疾之鳥隼是孫本鄭義許鄭無異說鳥上畫字非妄人增爾雅原文錯革鳥曰旗今云錯革鳥其上刪畫字則不解矣段氏既稱許云其上者謂畫於正幅高處是仍主孫說並不用李巡郭璞注何以增畫字即為妄人不可解也

旂 改旌旗也从於會聲詩曰其旂如林春秋傳曰旂動而鼓一曰建大木置石其上發以機以槌敵 注云此條大小徐二本皆作建大木置石其上發以機以礮敵从於會聲春秋傳曰旂動而鼓詩曰其旂如林此非許書之舊今依韻會所據小徐本乃許書之舊也

按左傳旂動而鼓賈逵以為發石許君從逵受學其說故同徐錯曰按諸書旂旌旗也唯許慎言此下當有奔字潘岳閑居賦謂之礮則解義必非冠以旌旗也三字亦非以發石為別一義今大小

徐本皆許書之舊明矣黃公紹移改其文非小徐原本

藩 从从上增謂旗幅之下垂者 注云集韻類篇韻會皆有此

七字今據補

按此徐鼎臣語

族 从矢下增於所以標衆衆矢之所集十字 注云韻會集韻

類篇皆引此而衍一曰从三字則不可解矣

按所引非說文故有一曰从三字非衍文也誤認為許書別一義之一曰字則不可解矣

鼎 寶器也下改象析木以炊貞省聲昔禹收九牧之金鑄鼎荆

山之下入山林川澤者禹魃蚘蚘莫能達之以協承天休易卦

巽木於下者為鼎古文以貝為鼎籀文以鼎為貝凡鼎之屬皆

从鼎 注云次第依韻會所據小徐本二貝字小徐皆作貞郭

忠恕佩觿云古文以貞為鼎籀文以鼎為則亦誤今正

按繫傳較鉅本多十餘字此與繫傳又異乃黃公紹所移改文義殊乖

科 作从禾斗 注依韻會所據小徐本

靡 聲字下增黃帝初教作靡 注云各本無此六字今依韻會所據鉅本補

穀 作从臼米从殳 注云依韻會本鉅本作从果

𪔐 作从臼干聲一曰干所以𪔐之 注云此依韻會所據鉅本

按大徐本从臼干所以𪔐之鉅本从臼干聲無下五字今韻會參用二徐本增一曰二字

麻 杲也下改从赫从广赫人所治也在屋下 注云此條今各本皆奪誤惟韻會所據小徐本不誤今從之

按所謂奪誤者未知是張次立改錯同鉅抑各本不謀而同奪誤

定 作从山正聲 注云依韻會本訂

守 从寸下改从山寺府之事也从寸法度也 注云从山以下

十四字參韻會本訂

寡 分也下改山分故為少也 注云依韻會所據小徐本訂

按韻會據錯本而以己意改定非原文

寤 改寐覺而有言曰寤 注云今錯本作省信鉅本作有信皆

誤依韻會所據錯本

按此韻會所改本倉頡篇

託 改奠酒爵也 注云大徐作奠爵酒今依韻會所據訂

按顧命鄭注云卻行曰託王徐行前三祭又三卻復本位文義

以莫辭酒為是

𠂔 改从門从𠂔从一 注云入部曰𠂔二入也𠂔从此與此正相印合而鉅本作从一闕其誤甚矣从一二字今補蓋為二入之界也

按八訓二入云𠂔从此二徐何至并此忘諸而改為闕蓋中一筆非引而上行引而下行之義今作𠂔故曰闕六書正譌云从門而中分之會意从𠂔聲段氏本以為說其穿鑿始於周伯琦也繫傳亦作从門闕不獨鉅本

罷 从𠂔能下增𠂔𠂔𠂔也 注云依韻會補四字

按繫傳無此四字

𦨇 作車衡上衣 注云衡上各本誤倒今依小徐及廣韻玉篇集韻類篇訂

按韻會作車衡上衣與各書同而非小徐本

蕭 省下增象刺文也 注云韻會有此四字

佩 作佩必有巾故从巾 注云故字依韻會補

契 堯上增為字 注云依玉篇補

倩 作人美字也 注云依韻會本訂

按錯釋之曰倩蓋美言也則本文無美字可知韻會非小徐本也漢書朱邑傳陳平雖賢須魏倩而後進倩魏無知字又蕭長

倩東方曼倩皆字倩士之美稱不必作人美字

傭 改均也直也 注云各本少上也字今補玉篇廣韻皆曰均也直也所據古本也

按周禮先鄭注上下正傭即均直之義篇韻不引說文

侈 作一曰奢泰也 注云泰字依韻會本補

按大徐作一曰奢也小徐作一曰奢侈

值

改持也

注云持各本作措措者置也非其義今依韻會所

據正引伸為當也凡彼此相遇相當曰值亦持之意也又一

曰逢遇下增也字

注云小徐有此五字實則持義足以賅之

疑淺人所增也

按說文不備載各義全書之體例也故但云措也一曰逢遇持

又一義詩陳風值其鷺羽傳曰值持也鷺羽執持之物故以值

為持義各有當玉篇訓持引詩以釋之廣韻持也措也捨也當

也備詳其義謂措非其義則武斷矣持賅逢遇之解亦不確

像

改似也从人象聲

注云各本作象也今依韻會所據本正

鉅本从人以象象亦聲今依韻會所據小徐本

按小徐本作象也从人象象亦聲止少下从字餘與大徐本同

𡩺 改曰象曰形 注云各本作𡩺形今依韻會本正

𡩺 作一曰从持二干為𡩺 注云干舊奪今依韻會本補

息 改衆與詞也 注云與詞各本誤倒今依廣韻正

按說文衆詞與也當讀衆詞斷句即得其解

徵 作聞達 注云聞各本作文今依韻會訂

按韻會以意改文為聞非也

身 改从人申省聲 注云尸非聲也今依韻會所據小徐本正

褕 作褕翟羽飾衣 注云舊刪褕字今依毛詩補

按詩其之翟也傳曰翟褕狄闕狄羽飾衣也毛釋翟字故云然
說文解褕字曰翟羽飾衣不當據增褕字

褕 作無緣衣也 注云衣字依韻會補

按衣字不必增段氏備引他書為韻會作證徒費筆墨

裾 改衣袞也 注云袞各本作祀今依韻會正

衾 作衾

裏 耕上增而字 注云依韻會補

按依韻會母乃是今非古

裨 接下增也 注云此也字依玉篇補

按徐鍇曰若衣之接益也是說文接下無也字

裨 作衣無色也 注云衣字依玉篇補

褻 緼也下增裳下緼三字 注云各本無今依韻會補

按集韻類篇皆云說文褻緼也謂裳下緼故韻會云然下句非

說文

卒 改隸人給事者為卒 注云俗本者下有衣字宋本及御覽

韻會玉篇皆無此謂人也非謂衣也 又改古以染衣題識故

从衣一 注云此十字依韻會所據小徐本

按玉篇取也隸人給事也非引說文廣韻十一沒卒引說文隸人給事者衣為卒衣有題識者臧沒切又卒急也遽也倉沒切又六術卒終也盡也義隨音改而引說文與二徐本同類篇亦引全文並無增省韻會與錯本大異全係黃公紹所改絕非小徐原書

盡下老列有某切三字

褚 改一曰裝也 注云裝各本作製誤今依玉篇廣韻正

按春秋傳陳成子衣製杖戈立於阪上注製雨衣也是篇韻裝衣固有據而說文製衣非誤字不必用彼改此

統 仲秋上加選也 注云二字依韻會

按此二字韻會因錯語增入

屈 作相躡 注云躡各本作畱今依玉篇訂

舫 改船也 注云各本作船師也今依韻會所據本

儿 刪仁人也三字改儿在下 注云俗本妄添仁人也是為蛇

足各本儿在作在人今依玉篇

按玉篇先云孔子曰人在下故詰屈後引說文曰古文奇字人也象形則作人在下非說文原本

神陽集从儿呂聲徐本同

允 改从呂儿 注云呂非聲也今依韻會所據小徐本

𣎵 作𣎵𣎵銳意也 注云各本誤替替今依玉篇廣韻正

𣎵 改堅持意 注云堅各本作監今依篇韻正

𣎵 改𣎵干 注云各本作昆干今依篇韻正

欺 改詐也 注云大徐作詐欺也今依韻會正

按錯本亦作詐欺

盜 改从次皿次欲也欲皿為盜 注云依韻會本

氣 改飲食節氣 注云各本作氣節今依篇韻正

形 改象也 注云各本作象形也今依韻會本正

按象形也語意極精韻會改之非是

鬋 作髮長兒 注云兒字依玉篇訂

郤 改有大慶也 注云慶各本作度今依廣韻正

郤 改尸郤也 注云各本作節欲也誤今依玉篇欲為郤又改

節為尸

却 午下增聲字 注云依韻會所據小徐本

岨 作山短而高也 注云而字舊無今依廣韻補

岸 作水厓洒而高者 注云各本無洒字今依爾雅補

戌 改屋壯瓦也 注云廣韻二十七刪曰屋壯瓦名

按徐鍇曰牝瓦仰瓦

庫 作屋卑 注云卑各本作庫今依韻會訂

丸 作圓也 注云各本無也字今依韻會補

按增也字非

危 从尸下增人在屋上四字 注云依韻會補

按尸字解云从人在厂上說文簡要此云从尸必不再言人在

屋上

确 作磬也 注云依韻會訂

磊 作衆石兒 注云兒各本作也今依廣韻訂

長 改亾聲在从匕下 注云亾聲各本在變化之下今依韻會

正

𧈧 蛇上增𧈧也 注云此用釋魚文也

𧈧 作能相把拏者也 注云者字依韻會補把舊作把謫今正

象

改南越大獸長鼻牙

注云依韻會所據小徐本

按凡今本繫傳有佚字而韻會與大徐不同者段氏必云據小徐本以無從校核可以欺人

改馬字籀文影作𠂔

注云說文各本籀文古文皆作𠂔無別據

玉篇古文作𠂔籀文作𠂔是古文从𠂔加髦籀从𠂔加髦故云二者同有髦也

按下籀文駟偏旁馬作𠂔可知說文不誤且巾之筆畫向左向右亦小異

改駟篆作駟从馬𠂔聲

又改毛作髦

注云各本篆體作駟大

誤今依五經文字玉篇廣韻正髦依廣韻

駟

作馬肥盛也

注云依廣韻訂

按盛肥義長

驥 作馬行疾兒 注云兒各本作也今依篇韻正

按廣韻作也

馬 作絆馬足也 注云足字依韻會補

按韻會非是絆馬足則春秋傳語不可通

駢 刪馬字 注云依韻會訂

灋 去之下作从廌去 注云廌字依韻會補

鹿 改相比 注云依韻會訂

按韻會誤

麋 改麋屬 注云鉉本作麋屬錯本作麋屬今依韻會本

按不依錯本而依韻會於此始顯言之餘皆以韻會據小徐本

為詞

倏 改犬走疾也 注云依韻會本訂

友 改犬走兒 注云依篇韻訂

狩 改火田也 注云火各本作犬不可通今依韻會正

犬田為狩的聲不為冬時草木黃落可
謂犬耳失聲一名犬而此係必火田
為可通究未說出義理 却以

按犬田非不可通爾雅冬獵為狩下云火田為狩郭注放火燒

田亦為狩言火田亦為狩與冬獵同名也偏舉火田非是

獺 改水狗也 注云小徐作小狗大徐作如小狗今依廣韻訂

黥 改伯勞所化也 注云化各本作作今依廣韻所引字林正

火 改焄也 注云焄各本作燬今正

按此依玉篇改也而注不言使人謂段氏以己意正之而與古

合則其餘皆非臆說矣

𤇀 改从龜火 注云從韻會

改煙古文从火 注云汲古閣少首筆从門誤今依廣韻集韻類

篇正

炮

作望見火兒

注云依篇韻補見字

煌

作煌煌輝也

注云此依韻會本今大小徐本各奪一字非

也

改熾

古文蘇作蘇

按此依六書故而注未明言

燿

改舉火曰燿四字於政令下

注云小徐本四字在周禮之

上今依韻會所據小徐本訂

按韻會據小徐書善本可以是正譌舛然如段氏依韻會所改

異文觸處皆是且或大相懸殊是小徐竟有兩本詎可信乎此

燿字解按其文義則舊本是

黠

作青黑色也

按此本玉篇增色字類篇云深黑色又青黑兒說文青黑也則

鍾鼎篆今小徐本亦作煌

說文無色字

滕 作畫眉墨也

注云依小徐有墨字

按此韻會本

炙

改炙肉也

注云各本作炮肉今依楚談傳正

按許詩傳毛氏不必每字訓詁皆用毛傳未可即以傳語改說文

赧

作面慙而赤也

注云而字依韻會

大

作人亦大馬

注云依韻會訂

按鉉本故大象大形繫傳為象人形韻會改為作馬屬上句以為是馬之謫以凡見改也

大象人形人誤大

夷

改東方之人也从大从弓

注云各本作平也从大从弓東

方之人也淺人所改耳韻會正如是

按詩我心則夷傳夷平也非淺人所改

吳 刪姓也亦郡也一曰吳八字 注云妄人所增檢韻會本正如是

幸 刪故字 注云依韻會本

允 作曲脰人也 注云人字依九經字樣補

籀 作窮治 注云各本作理唐人所改也今依篇韻正

設改作觥 注云大徐篆左亢右爰今依小徐玉篇廣韻左爰右亢

按繫傳此字佚段氏據韻會言小徐

頤 作立而待也 注云依韻會補立而二字

按頤待也與釋詁同錯曰立而待也韻會以小徐語入正文晉作廢也 注云各本奪也字不可讀今補

按此本六書故而注不明言

思 作从心从自 注云依韻會訂

思 改从心因因亦聲 注云依韻會訂

按从心因聲是

忒 作自勉彊也 注云各本少自勉二字韻會有之與篇韻合

恆 改急性也 注云各本作疾也今依韻會正

忧 改心動也 注云各本作不動也今正玉篇曰心動也廣韻

曰動也

怨 作怨怨也 注云各本作怨仇也今正廣韻亦作怨怨

息 作从心息息心形於見面故从頁 注云息心下九字鉉本

無之錯本有韻會引同

按此九字鉉書引錯語非說文

作 改乍聲 注云依小徐本

按此韻會本小徐作省聲

湍 改一曰湍半濫也 注云各本作手濫之今依水經注引字

林手作半依集韻玉篇之作也

按集諸書以改說文大非

漳 濁漳上作水名从水章聲 注云韻會所據鉛本如此

按增水名二字非

沈 作垣東王屋山 注云各本作河東東垣誤倒一字今依水

經正

涯 作涯水出桂陽縣盧聚南出涯浦關 注云縣字依韻會補

南出二字各本作山依水經正

按鉅本有縣字不得云依韻會盧聚山亦非舛誤

滕 改涌作踊 注云依韻會本訂

按韻會誤下文涌滕也段注云滕水超踊也二篆宜相連今本蓋非古也言二篆當相連而尚不知改踊之非

改溜篆作𣶒 注云各本篆文作溜解作𣶒聲此以隸體改篆也篇韻皆曰溜今作溜今據正

按既云从 則篆當作 不當依玉篇曰部作𣶒玉篇非篆書

濛 作曰濛 注云曰字依韻會訂
濛 作濛雨兒 注云兒各本作也今依玉篇正

濛 改濛濛雨雪兒 注云依韻會所據小徐本訂
按說文雨雪濛濛徐鍇曰此詩之言是韻會以己意改之非小徐本

濛 改水漫也 注云漫各本作漫今依集韻訂說文水部無漫

當作曼

按集韻誤類篇引說文作浸不依集韻

浸 改漢汰也 注云各本作浸汰今依國語補音宋刊本訂

改漢篆作漢从水蒸聲 注云玉篇廣韻皆作漢

泣 作無聲出涕者曰泣 注云依韻會所據小徐本

按錯作無聲出涕者泣

漕 作水轉穀也 注云穀各本譌穀今依韻會

按轉穀即運意未可云譌漢書顏師古注轉穀謂以車載物此

云水轉穀也古人文義往往有此索隱云車運曰轉水運曰漕

漏 作晝夜百節 注云各本作百刻今依韻會所據小徐本

又改从水屬取漏下之義漏亦聲 注云此依韻會而更考定

之如此

按韻會所改不類許語改百節亦非

霰 作水流兒 注云兒舊作也今依篇韻正

邕 四方上增邑 注云邑字各本無依韻會補

容 改从月谷月殘也谷阮坎意也 注云已上十一字依韻會

本

按說文簡古而韻會以後人文義易之

霽 刪霽雨二字 注云動下各本有霽雨二字不辭今依韻會

本正

按文義當有霽雨二字

霽 刪雨也二字 注云韻會亦無此二字

霽 改雷電兒 注云雷各本作震今依韻會本

霽 改風而雨土為霽 注云依釋天補三字

𩚑 改作令 注云此取初古文也

按此依六書故改

𩚑 改刀魚也飲而不食 注云依韻會本

𩚑 謂之𩚑下增一曰大魚為𩚑小魚為𩚑 注云此十字舊在

下𩚑𩚑也之下今依廣韻移併

龍 从肉下增龍肉二字 注云依韻會補

改龕篆作龕从龍今聲 注云各本作合聲篆體亦誤今依九經

字樣正

按以唐元度改舊本所謂是非無正

陞 改陞牢謂之獄 注云五字句各本作牢也二字今依韻會

本訂

孔 通也下增嘉美之也 注云各本無此四字由淺人謂與下

複而刪之今依韻會補 又古人上增故字

按此說文本無非後人所刪也增四字為贅

扇 改从戶羽 注云依韻會本从羽者如翼也

按說文从戶翅省徐鍇曰象鳥之翅會意是韻會不必盡依小徐本

閭 曰上增皆字 注云依韻會補

耿 改从火 注云依韻會訂

乘與金馬耳誤為耳字今從別是耳

摩 改乘與金耳也 注云金耳俗本作金飾馬耳舊本作金馬

耳玉篇同今依廣韻五支四紙作乘與金馬耳訂正

擊 作手擊也从手収聲 注云依韻會此四字在此

掘 刪升堂二字 注云依韻會刪正

按韻會非

桐 改推引也 注云推各本作攤今依廣韻會本

振 作舉救之也 注云之字依韻會補

搏 批改阢 注云依韻會與楚辭合但說文無阢字耳

搏 改以手圍之也 注云各本作圍也語不完今依韻會所據

補

按圍也二字簡括以手圍之乃後人文理體會自得玉篇云謂
圍也類篇引說文圍也下云謂以手圍之申明其義韻會則竟
易原文段氏從之以舊本為語不完可謂失言

抹 改一曰拌也 注云各本作援今依韻會本正

改娵作娵

按此依玉篇多一畫

姪 改女子謂兄弟之子也 注云各本作兄之女也不完今依

爾雅正

婢 改女字也 注云字各本作號今依玉篇廣韻

娥 作兌細也 注云兌各本作銳集韻類篇皆作兌

按集韻不言說文類篇云兌細也又千廉切說文巧佞也

婆 作婆姁也 注云依玉篇補婆字

嫺 作嫺雅也 注云各本刪嫺字依玉篇廣韻本

匜 改側匜也 注云各本作側逃也今依玉篇

医 改盛作臧 注云依廣韻

增匜篆云棺也从匚久聲以柩為重文云匜或从木 注云各本

有柩無匜今依玉篇補

萌 改从系从虫从節 注云各本作萌省葉不得為萌會意五

經文字曰从虫从節節音綿許書竹部有節字相當也讀若六

張參所據本是矣今據正

按蕭省不誤用張參本非

改毅作智云古文紹从尸 注云今本譌依玉篇廣韻汗簡改正

絳 告下增也 注云也字依韻會補

縻 改啟省聲 注云各本作改聲改不成字今依韻會正

縷 作帛文兒 注云帛各本作白今依韻會正

絃 作冠卷維也 注云維字今依玉篇補

徐福書古五個此本作解借本作絃

改枹作枹 注云古文四聲韻作枹枹二形枹古文系也

禪當作枹以平誤

紉 作單繩也 注云單各本作禪非其義今依廣韻佩觿作單

縈 作收卷也 注云卷各本作養非也今依韻會玉篇正

紉 改績所未緝者 注云各本作績所緝也今依廣韻正

彝 改从彡象形 注云各本作彡聲非也今依韻會正

蛟 改龍屬無角曰蛟 又移从虫交聲四字在池魚上率魚下
增而字 注云依韻會

蜃 雉上增大蛤 注云依韻會有此二字

風 融風下接从虫凡聲 注云依韻會

鼃 作蝦蟆屬 注云屬各本作也今依韻會九佳所據小徐本

正

龜 改古文从目 注云古文各本作篆文今依玉篇正

土 改象地之上 注云上各本作下誤今依韻會正

按作地之下不誤作上乃誤

塹 作一曰未燒者 注云者各本作也今依玉篇正

塹 移一曰大也於聲字下 注云依韻會如此

垚 作土高兒 注云依韻會所據本

田 改象形口十千百之制也 注云各本作象四今依韻會正

時 改皆黃帝時築 注云築各本作祭今依韻會訂

鞋 作黷明黃色也 注云依篇韻補色字

改憲篆作勞云古文如此 注云如此大徐作从悉篆體作憲今

依玉篇汗簡古文四聲韻所據正汗簡與玉篇中雖小異下皆

从力

按小徐作古文勞如此篆體與大徐同

劫 曰劫下增从力去 注云依韻會補此三字

鉅 聲下接司馬法曰晨夜內鉅車一曰鐵也 注云此依韻會

本

改觀篆作觀云斲或从孔畫聲 注云大徐作从畫从孔篆體作

觀今依玉篇正

𨔵

改扞扁也

注云扁各本作滿誤元應作漏為是依許義當

作扁謂扞而扁之有所注也

輶

改登為乘

注云成十六年左傳文今本作登依九經字樣

所引為古本

按以乘字為古本此臆測不可從

輶

作車网也

注云今本作車輶篇韻皆作車輶輶譌為輶見

爾雅釋文輶从車旁蓋俗古祇作网耳

改輶篆作輶云从車重而而亦聲

注云文選注玉篇廣韻龍龕

手鑑皆作輶作重而者喪車多飾如喪大記所載致為緇緇而

者須也多飾如須之下垂故从重而

按古祇作輶釋重而義支離牽彊

陂

改一曰池也

注云各本作沱誤今依韻會正

按沱不誤說文無池

存 改从予在省 注云大徐本作才聲今小徐本作在聲依韻

會所引正

辰 从乙匕下增匕 注云依韻會補

醕 改作醕云重釀酒也从酉耳聲 注云此篆各本作醕解云酒

也从酉耳聲而容切廣韻玉篇皆有醕無醕解云重釀也玉篇

列字正與說文次第相合然則古本說文作醕可知矣今據以

更正

酋 改飲之也 注云飲各本作飲今依韻會正

按校書正其舛謬非可亂以它書也且注家有體不容輕率竄

易鄭康成注經於字之謬者曰某當為某字之誤聲之誤而已

從不徑改本文蓋其慎也况所謂誤者未必果誤而喜新尚異

以求勝於前人通足見其誣妄耳各自成書當聽其同異雖以爾雅毛詩之可據亦不得用彼改此其他字書不引說文以及玉篇廣韻之異義皆毋庸強合韻會雖本小徐往往就已意增刪或用錯語并入正文或襍以他說未可盡據乃與繫傳不合非云淺人所改即云張次立改從鉅本豈篤論乎且說文果誤而韻會據小徐善本是正固宜如段所改悉現行之本涉筆便誤甚至大小懸殊似錯書竟有兩本其信韻會未免太過亭林顧氏曰學者生二千餘年之後信古而闕疑乃其分也若自詡博通習於百家之言任意武斷致本書之面目全非其於作注之意左矣春秋傳古字古言今無存者非函斧滅裂者執其咎與蹈彼故轍斯為謬已

段氏依他書所訂其可據者如藍篆重出改作蘊云據廣韻集

韻曉下依玉篇廣韻作子維音之曉曉趨篆依篇韻改趨趨下
依玉篇改久也趨依五經文字改作趨从走序道依玉篇廣韻
改這道也改趨篆作邁云前頓也用玉篇迦下依玉篇改互作
牙讀下依廣韻作師多則民讀墨下依廣韻改勉為冤訖依篇
韻六書故作訟也刪謚作謚依元應書五經文字廣韻六書故
對下依廣韻作以為責對而面言多非誠對刪肇字據玉篇唐
石經釋文莫下據馬融王肅尚書注改織作織雇下改鷄鷄作
鷄依廣韻監下依韻會作禮有監醢刪記字算下據方言改牆
居傳下依韻會烏胃改烏曹彙下依玉篇作彙疑沮事及下依
五音韻譜集韻類篇作湯谷邨下依玉篇作高陵亭邨下依廣
韻改聞喜鄉邨下依篇韻作周文王鄴下依玉篇後漢書注作
棘陽邨下依地里志改南郡縣榷下改積木依玉篇五經文字

集據五經文字改作柴从米比聲林依玉篇改葩為葩寐依廣雅玉篇廣韻改篆作甯从膠省米聲癖依篇韻作仄也顯依尚書釋文改篆作類縷改帛文兒依韻會鍊依玉篇作治金也蓋傳寫說文者多非其人致有錯誤攷索訂定段氏之功亦足併矣

說文解字注匡謬

元和 徐承慶 謝山

五曰以意說為得理

靈 作巫也 注云各本巫上有靈字乃複舉篆文之未刪者也

許君原書篆文之下以隸複寫其字後人刪之時有未盡此因巫下脫也字以靈巫為句失之今補也字

按新語夫扁鵲天下之良醫而不能與靈巫爭用者知與不知也易林亂茅縮酒靈巫拜禱

蘇 桂桂也 注云桂上錯本有蘇字此複寫隸字刪之未盡者

莧 莧菜也 注云菜上莧字乃複寫隸字刪之僅存者也尋說

文之例云芙蓉葵菜菹菜蓐菜薇菜蘠菜蘠菜蘠菜以釋篆文葵者字形葵菜也者字義如水部河者字形河水也者字

義若云此篆文是葵菜也此篆文是河水也槩以為複字而刪之此不學之過

蓮 蓮麥也 注云三字一句

蓼 蓼荷也 注云三字句

蘼 蘼蕪也 注云三字句

篇 篇莢也 注云三字句

沆 沆與也 注云三字句

葱 葱冬艸 注云三字句

藟 藟蘆也 注云三字句

藟 改藟茅 注云各本無藟字此淺人不知其不可刪而刪之

如舊周燕也今本刪舊字其誤正同今補

藟 作艸也 注云也字各本無今補說文凡艸名篆文之下皆

複舉篆文某字曰某艸也如葵下必云葵菜也蓋下必云蓋艸也篆文者其形說解者其義以義釋形故說文為小學家言形之書也淺人不知則盡以為贅而刪之不知葵菜也蓋艸也河水也江水也皆三字句首字不迫今雖未復其舊為舉其倒於此篇篆之下本云蕒艸也各本既刪蕒字又去也字則蕒篆不為艸名似為凡枝枝相值葉葉相當之偶矣

按此當連上篆讀蕒艸斷句段讀艸枝枝相值則誤矣謂淺人刪蕒字又去也字何淺人之不憚煩也

莛 莛艸也 注云三字句莛字僅得免刪可以證蔽下必云蔽艸也蓋下必云蓋艸也皆淺人刪之

莪 改莪蘿也 注云此三字舊作蘿莪二字今正莪系複舉不當倒於蘿下

芪 芪母也 注云三字一句

莖 莖藟艸也 注云四字句

按錯本無艸字

姜 姜餘也 注云三字句

蔣 作蔣也 注云各本作蔣蔣也此蔣蔣也之誤倒耳今依御

覽正

芽 改芽萌也 注云此本作芽萌也後人倒之

物 物滿也 注云此複字刪之未盡者

按玉篇作滿也物字衍

噲 改一曰噲噲也 注云噲亦複舉字也凡一曰之下多複舉

本字俗本作噲噲也非

啁 啁啁也 注云啁複舉字未刪者

嗽 作嗽嘆也 注云三字一句俗本刪嗽字非也

趨 趕趨也 注云三字一句

迥 迥迭也 注云迥複舉字之未刪者

遶 遶遶也 注云此當是遶遶也之倒刪複字之僅存者

辭 辭辭也 注云辭複舉字之未刪者

蹙 蹙足也 注云此三字一句

譟 譟慧也 注云譟複舉字之未刪者

按玉篇無譟字孫星衍曰此衍文

諄 諄擾也 注云諄複舉字刪之未盡者

誰 改誰何也 注云三字為句各本少誰字誤刪之也

軒 軒乾革也 注云軒複舉字刪之未盡者

韜 韜遠也 注云韜複字刪之未盡者

導 導引也 注云導複舉字未刪者

數 數盡也 注云此複舉字之僅存者

按玉篇作盡也

翔 翔翔也 注云此複舉字之未刪者

窩 作窩周燕也 注云各本周上無窩淺人不得其句讀刪複

舉之字也

旌 作旌鳥也

按說文鳥也段增旌字以下雉雁雄雁虛雉俱於篆下複一字

即州部木部山部水部之複舉字也

韃 韃驚也 注云三字一句

離 作離黃倉庚也 注云各本無離淺人誤刪如窩周刪窩之

比依爾雅音義廣韻補



注云各本差上無參此淺人謂為複舉字而刪

100

注云依韻會三字一句

就就高也注云就複字之未刪者

橘
果上增橘以下
櫨梨杏柰李桃
桑楮榲栲楸
楸楸楸楸楸楸

檉號槲欂櫨栟櫚檣檠檡檢檣檤檥檦檧檨檩檪檫檬檭檮檰檭檯檱檲檳檴檵檶檷檸檹檺檻檼檽檾檿

篆下複一字

栲作栲棗也注云三字一句

枇杷木也 注云四字句

柘作柘桑也注云三字句各本無柘字今補

梧 梧桐木 注云三字句

粉 作粉榆也 注云三字句各本少粉淺人以為複字誤刪之

杈 杈枝也 注云三字句

槍 一曰槍櫟也 注云三字句

桎 桎程也 注云桎複舉字之未刪者

桡 桡雙也 注云三字句

楮 改楮櫟也 注云三字句

賈 賈市也 注云此複舉字之未刪者

昧 爽旦明也 爽上增昧字 注云昧字舊奪今補

桌 作栗木也 注云三字句舊刪栗字非也

導 改導米也 注云三字句各本刪導字改米為禾

程 程品也 注云大徐無程字此三字為句與導米也一例淺

人舉謂複字而刪之

榮 穗榮散之也 注云榮者複舉字穗者衍字左傳正義兩引

說文榮散之也可證

韭 改韭菜也 注云三字一句

癢 固病也 注云此當云癢固病也癢固為逗淺人刪癢字耳

微 作微識也 注云三字一句 又刪絳下微字 注云各本

衍誤移識上之微於此也

幪 作幪識也 注云亦三字一句各本作幪也二字今正

幪 作幪布也 注云各本刪幪字今補

約 約也 注云或云許本作約約也三字為句

倭 倭左右兩視 注云倭複舉字之僅存者

按此亦連上篆讀與東東一例

倭 倭驕也 注云此複舉字之未刪者

佁 改佁督也 注云各本作務也二字小徐作覆也皆誤今正

佁 督也三字為句

佚 佚民也 注云三字句

臨 監臨 改監也 注云各本作監臨乃複字未刪而又倒之

褕 作褕翟羽飾衣 注云舊刪褕字今依毛詩補

褕 作褕飾也 注云各本作飾也奪褕今補此三字為句如倭

佉 離黃之類淺人泛謂複字可刪而刪之耳

褕 改褕領也 注云三字句各本褕為褕字之誤也今正

屏 屏遲也 注云三字為句

屏 屏蔽也 注云此複舉字之未刪者

舳 作舳舻也 注云各本舳上刪舳字今補此三字為句非以

艦釋舳也韻會所據本不誤

歌 歌歆氣出兒 注云錯本祇一歌複舉字之未刪者耳

頰 下首也 注云當作頰首也三字為句

頰 頰妍也 注云三字為句

韻 改韻首也 注云三字句各本作下首也亦由妄人不知三

字句之例而改之今正

髦 作髦髮也 注云三字句各本刪髦字作髮也二字此如舊

下之刪舊作周燕也離下之刪離幄下之刪幄江河等下之刪

江河等字皆不可通今補

髻 髻若似也 注云此複舉字之未刪者

猗 改猗山也 注云舊奪猗字也字今補三字句

嶧 山下增也字

按此下岵嶰俱山下增也

岵 作岵山也 注云三字句各本無岵字淺人所刪乃使文理

不完許書之例以說解釋文字若岵篆為文字岵山也為說解
淺人往往記謂複字而刪之如髣篆下云髣髴也舊篆下云髣
周河篆江篆下云河水江水皆刪一字今皆補正

截 山下增也 注云四字句

按以下嶰嶰嶰三字俱山下增也嶰嶰字篆下俱複一字並增
也以成其三字句四字句之說

岑 岑危高也 注云此複舉字之未刪者

嶰 作嶰谷也 注云三字句各本刪嶰字今補

厓 唐厓石也 注云四字句

殿 殿隄也 注云此複舉字之未刪者

砮 石上增砮字 注云砮石之名淺人以為複字刪之則不完

砮 毒石也 注云疑本作砮石也三字為句後人改之

礲 作礲石也 注云礲石本作厲石自詩釋文正義已然今正

許云礲石也三字為句而刪複字者妄改為厲猶上礲篆下本

云礲石也而刪複字者妄改為毒石夫礲豈可為厲礲豈可概

以毒哉大抵淺人於複字之不可刪者或刪或改刪之則如舊

周之去舊離黃之去離改之則如礲石之改為厲石韻首頓首

之改為下首知刪者難知改者尤難

藁 作藁豕也 注云藁字各本無今補

鍾鼎書於上上皆藁字於下亦無藁字

藁 作藁蟲也 注云藁字各本無今補

獠 猛獸也 注云猛當作獠三字為句

狃 作狃獸 注云狃字各本無今補

貉 改貉之言貉貉惡也 注云七字一句

獬 作獬獸也 注云各本無獬字今補三字為一句

驅 改驅馬也 注云各本作馬馳也今正此三字為一句驅為

篆文此三字言其義許之例如此

鷹 解鷹獸也 注云四字一句

鹿 作鹿獸也 注云鹿字今補三字句

毘 作毘獸也 注云毘字今補三字句

彘 作彘獸也 注云三字句

兔 作兔獸也 注云各本作獸名今正三字句

獲 獲獲也 注云獲獲舉字之未刪者

齧 作齧鼠也 注云三字為句各本皆刪一字淺人所為也以

下皆同

貉

作貉鼠出胡地

𧈧

作𧈧令鼠也 注云四字句

𧈧

作𧈧鼠也 注云三字句

𧈧

精𧈧鼠也 注云四字一句

𧈧

作𧈧鼠

𧈧

作𧈧鼠

奏

奏進也 注云奏複舉字之未刪者

𧈧

𧈧然也 注云三字句

𧈧

𧈧憮也 注云𧈧乃複字未刪者

悔

悔恨也 注云悔乃複舉字之未刪者

河

作河水 注云各本水上無河字由盡刪篆下複舉隸字因

并不可刪者而刪之也許君原本當作河水也三字河者篆文

皆於篆下複一字

魚
烏鰂魚也

鰕
改鰕魚也

陞改陞牢謂之獄

鑿作鹹鑿也

棺
拍棺也

柯
柯
也

娶
作
娶
媿
也

嫖
 作
 嫖
 姬
 也

婆作婆姪也

注云依玉篇補娑字三字句也

嫺 作嫺雅也 注云三字句各本刪嫺字非也

婁 婁婁也 注云婁當是複舉字

紡 改紡絲也 注云紡各本作網不可通唐本作拗尤誤今定為紡絲也三字句

繡 改繡冕也 注云三字句各本無繡字冕作冕今補正玉篇繡下曰冕也集韻引說文同蓋謂繡字為複字而刪之

紵 作紵轉也 注云紵字各本無今補此三字句與繡冕也一例淺人刪之如離黃倉庚也之刪離當周燕也之刪當耳紵轉蓋古語

蚩 作蚩蟲也 注云蚩字今補此三字句謂有蟲名蚩也

蝓 作蝓蟲也

蝓 蝓蝓也 注云蝓複舉篆文之未刪者也

螻 螻蛄也 注云三字句

蜥 蜥蜴也 注云三字句

蛭 蛭蟥獸也 注云四字句

蟹 鼠也 注云當作蟹鼠也三字句

麤 作麤蟲也 注云蟲上補麤字三字一句

竄 作竄蟲也 注云蟲上補竄字三字句

蟲 蟲蛸也 注云三字句

蟲 蟲蟪也 注云三字句

龜 龜名 注云當作龜龜也三字句

輕 輕車也 注云三字句

範 範輶也 注云三字句

穀 一曰穀替也 注云各本刪穀字今補此三字一句

按篆文形也說解義也以義釋形非有二字及三字句四字句之例果複舉字為淺人所刪此人既從事六書乃刪參字而以為商星刪離字而以為黃倉庚刪舊字而以為周燕不通一至於此昔聞諸錢少詹事大昕云許氏因文解義或當叠正文者即承上篆文連讀如昧爽旦明也肝響布也湫隘下也腠嘉善肉也婁燧候表也詁訓故言也顗癡不聰明也參商星也離黃倉庚也舊周燕也皆承篆文為句諸山水名云山在某郡水出某郡者皆當連上篆讀艸部藪區藪諸字但云艸也亦承上為句謂藪即藪艸區即區艸耳非艸之通稱也芙蓉蘊蘩薇諸字但云菜也亦承上讀謂芙即芙蓉葵即葵菜也今本說文覓字下云覓菜也此校書者所添非許意也古人著書簡而有法當尋其義例所在不可輕下雌黃人部佺字下云偃佺仙人也

僣字下云僣也亦承上讀宋槧本不疊僣汲古閣本初印猶仍其舊而毛斧季輒增入僣字雖於義未乖而古書之真面目失矣人部倭字下云倭左右兩視此亦承上篆文倭倭猶瞿瞿也又東部東下云專小謹也專當為東亦承上篆文而疊其字東東小謹也亦作媯媯見女部淺人改作專而語不可通廣韻一東凍字下引說文水出發鳩山入於河九魚漚下云水出北地直路西東入洛是陸法言諸人已不審許氏讀法其言確當不易與段氏正相反好學深思之士從此而推其例則凡當承篆讀者可準諸昧爽等字矣凡衍一字者可準諸莧菜之字悟為校書者所添矣其不連上篆讀而疊字並非衍文者亦從可知矣段氏自以意說創為篆下複寫隸字之說自謂窺見許書體例矜獨得之祕遇字增改憑臆武斷而不知其說之不可通且

既以複字為後人所刪而靈下靈巫又以未刪複字而改去之
似此矛盾不知段氏將何以文飾也又如連下云連連起也芮
下云芮芮艸生兒蔽下云蔽蔽小艸也斟下云斟斟盛也以及
程下程程犬吠聲蛩下蛩蛩獸也蚘下蚘蚘戲笑兒歎下歎歎
乞出兒之類果複字未刪連篆文止有三字抑篆下複寫及疊
字有四而後人刪其一未知段氏如何臆決也今就所改并注
逐字臚列以見全非許書之舊亦乖許氏之旨